



Mwana Mtiifu kwa Wazazi wa Kidunia

Tena, alipoonekana ana umbo kama mwanadamu, alijinyenyekeza akawa mtii hata mauti, naam, mauti ya msalaba.—**Wafilipi 2:8.**

Kudhalilika kwa Mwana wa Mungu kulikuwa katika kiwango cha juu kiasi gani, hadi kuishi katika mji uliodharauliwa na mwovu wa Nazareti. Kwa mwaka mmoja, Patakatifu sana hapa duniani pangekuwa pameheshimika kwa namna ya juu sana kutokana na kuwepo kwa Mkombozi wa dunia hii. Ikulu za wafalme zingekuwa zimetukuka kwa kumpokea Kristo kama mgeni wao. Lakini Mkombozi wa ulimwengu alipita kwenye nyua za kifalme na kufanya makazi Yake katika kijiji cha mlimani cha kawaida sana, kwa miaka 30, kwa namna hiyo akaupa heshima mji wa Nazareti uliodharaulika.

Mkombozi wa ulimwengu alipanda na kushuka kwenye milima na vilima, kutokea kwenye tambarare kuu hadi kwenye mabonde kati ya milima. Alifurahia mwonekano mzuri wa viumbe asili. Alifurahishwa na mashamba yaliyong'azwa kwa maua mazuri na katika kusikiliza ndege wa angani, akiunganisha sauti Yake pamoja navyo katika nyimbo zao za sifa. Vijisitu na milima vilikuwa ndiyo sehemu Zake za kupata faragha kwa ajili ya maombi, na mara kwa mara usiku mzima ulitumika katika mawasiliano na Baba Yake...

Licha ya utume mtakatifu wa Kristo, uhusiano Wake uliotukuka pamoja na Mungu, ambao Yeye aliujuu kikamilifu, Yeye hakuwa juu ya utendaji wa majukumu halisi ya maisha. Yeye alikuwa Muumba wa ulimwengu, na licha ya hivyo alitambua wajibu Wake kwa wazazi Wake wa kidunia, na pale wajibu ulipohitajika, kulingana na matakwa ya wazazi Wake, alirejea nao kutoka Yerusalemu baada ya Pasaka, Naye aliwatii.

Alijisalimisha kwa maelekezo ya mamlaka ya wazazi, na kukubali wajibu wa mtoto, ndugu, rafiki na raia. Alitekeleza majukumu Yake kwa wazazi Wake wa kidunia kwa ustahifu wenye heshima. Yeye alikuwa Mkuu wa mbinguni. Alikuwa kamanda mkuu katika mbingu. Malaika walipenda kutekeleza maagizo Yake. Na sasa alikuwa mtumishi aliye hiari, mwana mtiifu mwenye furaha.

Bwana Yesu hakupotoshwa kwa mvuto wowote uliotokana na huduma ya uaminifu iliyotarajiwa kwa mwana. Hakukusudia kufanya chochote cha pekee kumtofautisha Yeye na vijana wengine, au kutangaza kuzaliwa Kwake kulikopangwa na mbingu. Hata rafiki na ndugu zake, katika miaka yote ambayo maisha ya Kristo yaliwapitia, hawakuona alama maalum za uungu Wake. Daima Kristo alikuwa mtulivu, aliyejikana nafsi, muungwana, mcheshi, mwema na mtiifu. Aliepuka kujionesha, lakini daima katika kanuni alikuwa imara kama mwamba...

Katika kufahamika kwa kiasi kidogo kulikoonekana katika utoto Wake na maisha Yake ya ujana, tunaona mfano kwa wazazi pamoja na watoto, kwamba kadiri kipindi cha utoto na ujana kinavyozidi kupitwa katika utulivu na kutokutangazwa, na kadiri kunavyozidi kuwa na msisimko wa asili na huru usio bandia, ndivyo inavyokuwa salama zaidi kwa watoto, na ndivyo inavyokuwa bora zaidi katika ujengwaji wa tabia ya usafi, usahili unaotarajiwa na stahili za maadili ya kweli (Youth's Instructor, Februari 1, 1873).